

阿毘達磨大毘婆沙論卷第一百四十八

五百大阿羅漢等造
三藏法師玄奘奉 詔譯

根蘊第六中有納息第二之二

藍字部分：《發智論卷十五》釋論範圍

諸根無漏-緣欲界繫，此根-法智相應耶？設根無漏-法智相應，此根緣欲界繫耶？

答：應作四句。

- ①有根-無漏緣-欲界繫，此根-非法智相應。謂：苦法智忍及相應根苦法智，集法智忍及相應根集法智。

此中…

- 苦法智忍→是無漏慧根，此根-緣欲界繫，非法智相應，以忍與智不相應故。
- 及相應根者→謂：「苦法智忍」相應八無漏根，此根亦緣欲界繫，非法智相應。忍相應故。
- 苦法智→亦是無漏慧根，此根-亦緣欲界繫，非法智相應，自體與自體不相應故。謂：三緣故，自體不與自體相應。一、無二自性俱生故。二、前、後剎那不並故。三、一切法不觀自性，與他為緣故。
- 集法智忍及相應根集法智，亦如是。

- ②有根-無漏-法智相應，此根不緣欲界繫。謂：滅、道法智相應根。此是滅、道法智相應八無漏根，此根不緣欲界繫，緣不繫法故。

- ③有根-無漏緣-欲界繫，此根亦法智相應。謂：苦、集法智相應根。此是苦、集法智相應-八無漏根，此根緣欲界繫，緣欲界苦、集故。

- ④有根-無漏-不緣欲界繫，此根亦非法智相應。謂：①苦類智忍、苦類智及二相應根。②集類智忍、集類智及二相應根。③滅法智忍及相應根滅法智。④滅類智忍、滅類智及二相應根。⑤道法智忍及相應根道法智。⑥道類智忍、道類智及二相應根。

此中…

- 苦類智忍、苦類智→俱是無漏慧根，此根不緣欲界繫，緣色、無色界繫故；亦非法智相應，忍智與智不相應故。
- 及二相應根者→謂：苦類智忍、苦類智相應-八無漏根，此根不緣欲界繫，緣色、無色界繫故；亦非法智相應，與苦類智忍、苦類智相應故。
- 集類智忍、集類智，及二相應根→亦如是。
- 滅法智忍→是無漏慧根，此根不緣欲界繫，緣不繫法故；亦非法智相應。忍與智不相應故。
- 及相應根者→謂：滅法智忍相應-八無漏根，此根不緣欲界繫，緣不繫法故；亦非法智相應，忍相應故。
- 滅法智→亦是無漏慧根，此根不緣欲界繫，緣不繫法故；亦非法智相應，自體與自體不相應故。

- 道法智忍及相應根、道法智→亦如是。
- 滅類智忍、滅類智→俱是無漏慧根，此根不緣欲界繫，緣不繫法故；亦非法智相應，忍智與智不相應故。
- 及二相應根者→調：滅類智忍、滅類智相應-八無漏根，此根不緣欲界繫，緣不繫法故；亦非法智相應，與滅類智忍、滅類智相應故。
- 道類智忍道類智，及二相應根→亦如是。

諸根無漏，緣色、無色界繫，此根類智相應耶？設根無漏，類智相應，此根緣色、無色界繫耶？

答：應作四句。

- ①有根無漏，緣色、無色界繫，此根非類智相應。謂：苦類智忍及相應根苦類智，集類智忍及相應根集類智。

此中…

- 苦類智忍→是無漏慧根，此根緣色，無色界繫；非類智相應，忍與智不相應故。
- 及相應根者→調：苦類智忍相應-八無漏根，此根亦緣色、無色界繫；非類智相應，忍相應故。
- 苦類智→亦是無漏慧根，此根亦緣色，無色界繫；非類智相應，自體與自體不相應故。
- 集類智忍及相應根、集類智→亦如是。

- ②有根無漏，類智相應，此根不緣色、無色界繫。謂：滅、道類智相應根。此是滅、道類智相應-八無漏根，此根不緣色、無色界繫，緣不繫法故。

- ③有根無漏，緣色、無色界繫，此根亦類智相應。謂：苦、集類智相應根。此是苦、集類智相應-八無漏根；此根緣色、無色界繫，緣色、無色界-苦、集故。

- ④有根無漏，不緣色、無色界繫，此根亦非類智相應。謂：苦法智忍、苦法智及二相應根。集法智忍、集法智及二相應根。滅法智忍、滅法智及二相應根。滅類智忍及相應根滅類智。道法智忍、道法智及二相應根。道類智忍及相應根道類智。

此中…

- 苦法智忍、苦法智→俱是無漏慧根，此根不緣色、無色界繫，緣欲界繫故；亦非類智相應，忍智與智不相應故。
- 及二相應根者→調：苦法智忍、苦法智相應-八無漏根，此根不緣色、無色界繫，緣欲界繫故；亦非類智相應，與忍法智相應故。
- 集法智忍、集法智及二相應根→亦如是。
- 滅法智忍、滅法智→俱是無漏慧根，此根不緣色、無色界繫，緣不繫法故；亦非類智相應，忍智與智不相應故。
- 及二相應根者。調：滅法智忍、滅法智相應-八無漏根，此根不緣色、無色界繫，緣不繫法故；亦非類智相應，與忍法智相應故。

- 道法智忍、道法智及二相應根→亦如是。
- 滅類智忍→是無漏慧根，此根不緣色、無色界繫，緣不繫法故；亦非類智相應，忍與智不相應故。
- 及相應根者→調：滅類智忍相應-八無漏根，此根不緣色、無色界繫，緣不繫法故；亦非類智相應，忍相應故。
- 滅類智→亦是無漏慧根，此根不緣色、無色界繫，緣不繫法故；亦非類智相應，自體與自體不相應故。
- 道類智忍及相應根、道類智→亦如是。

法智，當言法智耶？...乃至廣說。

問：何故此中，但依法、類二智作論？

答：彼作論者，意欲爾故，隨彼意欲而造論，但不違法性，便不應責。

彼意欲，依二智作論，即便作之。調：法智、類智，如前《智蘊》。

隨論者意，依二智作論。調：他心智、宿住隨念智，如後《定蘊》。

隨論者意，亦依二智作論。調：盡智、無生智，如此蘊前。

隨論者意，依四智作論。調：苦智、集智、滅智、道智，如前《結蘊》。

隨論者意，依八智作論。調：法智、類智、他心智、世俗智、苦、集、滅、道智，如《所知納息》。

隨論者意，依十智作論。調：前八智，及盡、無生智。譬如善巧陶師，以濕泥團，置於輪上。隨意埏埴，成種種器，於工巧法，而不相違。

如是善作論者，以聞、思慧，行所知境，照了-除癡。

然！後隨欲造種種論，於諸法性亦不相違。

有說：唯法、類智，互不相攝，亦俱遍緣不相攝境。調：有漏、無漏，有為、無為-四聖諦法。

有說：以法、類智攝一切無漏智，「盡」是彼根本。

有說：法、類二智，作分齊緣。調：法智緣下，類智緣上。
由此等緣故，但依此二智作論。

法智，當言法智耶？當言類智、他心智、世俗智、苦智、集智、滅智、道智耶？

答：當言法智，或他心智、苦智、集智、滅智、道智。

•當言法智者→調：知欲界諸行、諸行因、諸行滅、諸行對治道

•或他心智者→調：知欲界諸行對治道-他心、心所法。

•或苦智者→調：知欲界諸行-非常相、苦相、空相、非我相。

•或集智者→調：知欲界諸行因-因相、集相、生相、緣相。

•或滅智者→調：知欲界諸行滅-滅相、靜相、妙相、離相。

•或道智者→調：知欲界諸行對治道-道相。

如相、行相、出相，顯自性已，當顯地。

法智，當言有尋有伺、無尋唯伺、無尋無伺耶？

答：當言三種。調：在未至、初靜慮，名有尋有伺；在靜慮中間，名無尋唯伺；在上三靜慮，名無尋無伺。

顯地已，當顯相應。

法智，當言樂根相應？喜根相應？捨根相應耶？

答：當言三種。調：在第三靜慮，樂根相應；在初、二靜慮，喜根相應；在未至、靜慮中間、第四靜慮，捨根相應。

顯相應已，當顯行相。

法智，當言空、無願、無相相應耶？

答：當言三種。調：二行相-空相應；十行相-無願相應；四行相-無相相應。

顯行相已，當顯所緣。

法智，當言緣欲界繫？緣色界繫？緣無色界繫？緣不繫耶？

答：當言緣欲界繫，或不繫。

•緣欲界繫者→調：苦、集-法智。

•緣不繫者→調：滅、道-法智。

法智					
自性	他心智	苦智	集智	滅智	道智
	知欲界諸行對治道-他心、心所法	知欲界諸行-非常相、苦相、空相、非我相	知欲界諸行因-因相、集相、生相、緣相	知欲界諸行滅-滅相、靜相、妙相、離相	知欲界諸行對治道-道相
地	在未至、初靜慮，名有尋有伺		在靜慮中間，名無尋唯伺		在上三靜慮，名無尋無伺
相應	在第三靜慮，樂根相應		在初、二靜慮，喜根相應		在未至、靜慮中間、第四靜慮，捨根相應
行相	二行相-空相應		十行相-無願相應		四行相-無相相應
所緣	緣欲界繫			緣不繫	

類智，當言類智耶？當言法智、他心智、世俗智、苦智、集智、滅智、道智耶？

答：當言類智，或他心智、苦智、集智、滅智、道智。

當言類智者。調：知色、無色界諸行、諸行因、諸行滅、諸行對治道。

或他心智者。調：知色、無色界諸行無漏、對治道-他心、心所法。

或苦智者。調：知色、無色界諸行-非常等四種相。

或集智者。調：知色、無色界諸行因-因等四種相。

或滅智者。調：知色、無色界諸行滅-滅等四種相。

或道智者。調：知色、無色界諸行對治道-道等四種相。

顯自性已，當顯地。

類智，當言有尋有伺、無尋唯伺、無尋無伺耶？

答：當言三種。調：在未至、初靜慮，名有尋有伺；在靜慮中間，名無尋唯伺；在上三靜慮、下三無色，名無尋無伺。

顯地已，當顯相應。

類智，當言樂根相應、喜根相應、捨根相應耶？

答：當言三種。調：在第三靜慮，樂根相應；在初、二靜慮，喜根相應；在未至、靜慮中間、第四靜慮、下三無色，捨根相應。

顯相應已，當顯行相。

類智，當言空、無願、無相相應耶？

答：當言三種。謂：二行相-空相應；十行相-無願相應；四行相-無相相應。

已顯行相，當顯所緣。

類智，當言緣欲界繫？緣色界繫？緣無色界繫？緣不繫耶？

答：當言：緣色、無色界繫，或不繫。

•緣色、無色界繫者→謂：苦、集-類智。

•緣不繫者→謂：滅、道-類智。

類智					
	他心智	苦智	集智	滅智	道智
自性	知色、無色界諸行無漏、對治道-他心、心所法	知色、無色界諸行-非常相、苦相、空相、非我相	知色、無色界諸行因-因相、集相、生相、緣相	知色、無色界諸行滅-滅相、靜相、妙相、離相	知色、無色界諸行對治道-道相
地	在未至、初靜慮，名有尋有伺		在靜慮中間，名無尋唯伺		在上三靜慮、下三無色名無尋無伺
相應	在第三靜慮，樂根相應		在初、二靜慮，喜根相應		在未至、靜慮中間、第四靜慮、下三無色，捨根相應
行相	二行相-空相應		十行相-無願相應		四行相-無相相應
所緣	緣色、無色界繫			緣不繫	

時心解脫，當言學根得？無學根得？...乃至廣說。

問：何故作此論。

答：欲解釋《契經》義故。如佛告阿難陀言：「苾芻不應樂處憤鬧。若樂是者，於時愛心解脫，或於不時不動心解脫，身作證-能具足住，無有是處；若有苾芻，不樂憤鬧，而樂寂靜，於時愛心解脫，或於不時不動心解脫，身作證-能具足住，斯有是處。」

彼經雖說二種解脫，而不分別此二自性，亦未曾顯由何根得。前《智蘊》中，雖已顯示解脫自性，而未顯得，今欲顯得，故作斯論。

有說：欲止他所說故。

謂或有執～時心解脫-有學有所作，所作未辦故。不動心解脫-無學無所作，所作已辦故。

為遮彼執，顯～二解脫，俱是無學所作已辦。

或復有執～時心解脫是有漏，不動心解脫是無漏。

欲止彼意，顯～二解脫，俱是無漏。

或復有執～時心解脫是有為，不動心解脫是無為。

為止彼執，顯～二解脫，俱是有為。

由此等緣，故作斯論。

諸法中，唯二法是解脫自性。謂：有為法中，唯有勝解；無為法中，唯有擇滅。

•彼勝解者→是心所大地法，恒與心相應。

•彼擇滅者→是離繫、是勝義善，常住涅槃。

勝解，有二。謂：染、不染。

•染→謂：邪勝解。即貪等煩惱、隨煩惱相應。

•不染→謂：正勝解。即信等諸善法相應。

此正勝解，復有二種。謂：有漏、無漏。

•有漏者→謂：不淨觀、持息念、無量、勝處、遍處等相應。

•無漏，復二→謂：學、無學。

•學者→謂：七聖身中-無漏勝解。

- 無學者→調：阿羅漢身中-無漏勝解。
無學-勝解，復有二種。調：時心解脫、不時心解脫。
- 時心解脫者→調：五種阿羅漢身中-無漏勝解。
- 不時心解脫者→調：不動法阿羅漢身中-無漏勝解。
此二亦名心解脫、慧解脫。離貪故，名心解脫；離無明故，名慧解脫。

問：若此勝解離貪，故名心解脫；離無明，故名慧解脫者，《集異門》等所說，當云何通？如說…

云何離貪故心得解脫？答：無貪善根對治貪故。

云何離無明故慧得解脫？答：無癡善根對治癡故。

由此說故，二解脫體，即是善根，非是勝解。

答彼文，應作是說…

云何離貪故心得解脫？答：無貪善根相應心勝解印可，即此名為時心解脫。

云何離無明故慧得解脫？答：無癡善根相應心勝解印可，即此名為不動心解脫。

而不作是說者，有何意耶？

答：此就依處，以顯勝解。調：依無貪故，心解脫貪；依無癡故，心解脫癡。
然！心解脫-體是勝解。

時心解脫，當言學根得？無學根得？學無學根得耶？

答：當言學無學根得。

- 學根得者→調：無間道俱生根。
- 無學根得者→調：解脫道俱生根。
又學根得者→調：向道俱生根。
無學根得者→調：果道俱生根。
又學根得者→調：金剛喻定俱生品根。
無學根得者→調：盡智俱生品根。
又學根得者→調：已知根。
無學根得者→調：具知根。
又學根得者→調：修道俱生根。
無學根得者→調：無學道俱生根。
修地、無學地，亦爾。

不動心解脫，當言學根得？無學根得？學無學根得耶？

答：若本得不動，當言「學無學根得」；若時解脫阿羅漢得不動，當言「無學根得」。

- 學無學根得者→廣說如前。
- 無學根得者→彼無間、解脫道俱，無學攝故。

一切結盡，當言學根得？無學根得？學無學根得耶？

答：當言學無學根得，廣說如前。

問：此文何故不如「不動心解脫」說？

答：此文亦應作如是說：若初證一切結盡，當言學、無學根得；若時解脫阿羅漢得不動-證一切結盡，當言無學根得。

而不作是說者，有何意耶？

答：解脫，有二。謂：有為、無為。二種心解脫是有為；一切結盡是無為。

有為解脫，有下、中、上。初所得異，後所得異，故差別說。

無為解脫，無下、中、上。後得同初，故無別說。

以無間道證預流果，此道：

當言法智相應，類智、他心智、世俗智、苦智、集智、滅智、道智相應耶？

當言有尋有伺、無尋唯伺、無尋無伺耶？

當言樂根、喜根、捨根相應耶？

當言空、無願、無相相應耶？

當言緣欲界繫、色界繫、無色界繫、不繫耶？

答：以無間道證預流果，此道當言忍相應（自性），有尋有伺（地），捨根相應（相應），無願相應（行相），緣不繫（所緣）。

- 忍相應者→道類智忍俱故。
- 有尋有伺者→唯依未至地故。
- 捨根相應者→未至地，唯有捨受故。
- 無願相應者→道-無願俱故。
- 緣不繫者→類智品為所緣故。

以無間道證一來果，此道當言法智相應，類智、他心智、世俗智、苦智、集智、滅智、道智相應耶？當言有尋有伺、無尋唯伺、無尋無伺耶？當言樂根、喜根、捨根相應耶？當言空、無願、無相相應耶？當言緣欲界繫、色界繫、無色界繫、不繫耶？

答：若倍離欲染，入正性離生者，如證預流果說。

●若從預流果，以世俗道證一來果，此道當言世俗智相應（自性），有尋有伺（地），捨根相應（相應），緣欲界繫（所緣）。

- 世俗智相應者→調：鹿等三行相（苦、鹿、障）隨一轉故；不與空等相應者，彼唯無漏故。
- 緣欲界繫者→欲界五蘊為所緣故，餘如前說

●若從預流果，以無漏道證一來果，此道當言法智相應，或苦智，或集智，或滅智，或道智相應（自性）；有尋有伺（地），捨根相應（相應）；或空，或無願，或無相相應（行相）；或緣欲界繫，或緣不繫（所緣）。

- 法智相應者→調：四法智，隨一相應。
- 或苦智相應者→即苦法智相應。
- ...乃至
- 或道智相應者→即道法智相應。
- 或空相應者→調：二行相相應。
- 或無願相應者→調：十行相相應。
- 或無相相應者→調：四行相相應。

- 或緣欲界繫者→調：苦、集法智。
- 或緣不繫者→調：滅、道法智，餘如前說。

以無間道證不還果，此道當言法智相應，類智、他心智、世俗智、苦智、集智、滅智、道智相應耶？當言有尋有伺、無尋唯伺、無尋無伺耶？當言樂根、喜根、捨根相應耶？當言空、無願、無相相應耶？當言緣欲界繫、色界繫、無色界繫、不繫耶？

答：若已離欲染，入正性離生，此道當言忍相應（自性）；或有尋有伺，或無尋唯伺，或無尋無伺（地）；或樂根相應，或喜根相應，或捨根相應（相應）；無願相應（行相）；緣不繫（所緣）。

- 或有尋有伺者→調：依未至、初靜慮。
- 或無尋唯伺者→調：依靜慮中間。
- 或無尋無伺者→調：依上三靜慮
- 或樂根相應者→調：依第三靜慮。
- 或喜根相應者→調：依初、二靜慮。
- 或捨根相應者→調：依未至、靜慮中間、第四靜慮，餘如前說。

◆若從一來果，以世俗道證不還果者，如以世俗道證一來果說。

◆若從一來果，以無漏道證不還果者，如以無漏道證一來果說。

以無間道證阿羅漢果，此道當言：法智相應，類智、他心智、世俗智、苦智、集智、滅智、道智相應耶？當言有尋有伺、無尋唯伺、無尋無伺耶？當言樂根、喜根、捨根相應耶？當言空、無願、無相相應耶？當言緣欲界繫、色界繫、無色界繫、不繫耶？

答：此道當言：或法智相應，或類智，或苦智，或集智，或滅智，或道智相應（自性）；或有尋有伺，或無尋唯伺，或無尋無伺（地）；或樂根，或喜根，或捨根相應（相應）；或空，或無願，或無相相應（行相）；或緣無色界繫，或緣不繫（所緣）。

- 或法智相應者→調：滅、道法智，隨一相應。
- 或類智相應者→調：四類智，隨一相應。
- 或苦智集智相應者→即苦、集-類智相應。
- 或滅智道智相應者→即滅、道-法、類智相應。
- 或有尋有伺者→調：依未至、初靜慮。
- 或無尋唯伺者→調：依靜慮中間。
- 或無尋無伺者→調：依上三靜慮、下三無色。
- 或樂根相應者→調：依第三靜慮。
- 或喜根相應者→調：依初、二靜慮。
- 或捨根相應者→調：依未至、靜慮中間、第四靜慮、下三無色。
- 或空相應者→調：二行相相應。
- 或無願相應者→調：十行相相應。
- 或無相相應者→調：四行相相應。
- 或緣無色界繫者→調：苦、集-類智，緣有頂-苦、集故。
- 或緣不繫者→調：滅、道-法、類智，緣三界滅，及能對治道故。

幾根永斷、滅起，得預流果？

答：無根永斷，七根滅起，一滅不起，一起不滅，得預流果。

•七根滅起者→

七，謂：意、捨、信等五根。

滅，謂：此七無間道攝。

起，謂：此七解脫道攝。

又滅，謂：向道攝；起，謂：果道攝。

又滅，謂：道類智忍品攝；起，謂：道類智品攝。

又滅，謂：未知當知根俱生；起，謂：已知根俱生。

又滅，謂：見道攝；起，謂：修道攝。

見地、修地，亦爾。

•一滅不起者→謂：未知當知根。

•一起不滅者。謂：已知根。

幾根永斷、滅起，得一來果？

答：•若倍離欲染，入正性離生者，如證預流果說。

•若從預流果，以世俗道證一來果，無根永斷，七根滅起，得一來果。

•七根滅起者→七，如前說。

滅，謂：此七無間道攝。起，謂：此七解脫道攝。

又滅，謂：向道攝。起，謂：果道攝。

•若從預流果，以無漏道證一來果，無根永斷，八根滅起，得一來果。

•八根滅起者→八，謂：前七，加已知根。

滅、起義，如前說。

幾根永斷、滅起，得不還果？

答：•若已離欲染，入正性離生，無根永斷，七根滅、起，一滅不起，一起不滅，得不還果。

•七根滅起者→七，謂：意根、樂、喜、捨根，隨一、信等五根。

餘，如得預流果中說。

•若從一來果，以世俗道證不還果：

★不入靜慮，四根永斷，七根滅起，得不還果。

•四根永斷者→謂：女、男、苦、憂根。

•七根滅起者→七，謂：意、捨、信等五根。

滅、起義，如從預流得一來說。

★若入靜慮，四根永斷，六根滅起，一滅不起，一起不滅，得不還果。

•四根永斷者→如前說。

•六根滅起者→六，謂：意根、信等五根。

滅、起義，如前說。

•一滅不起者→謂：捨根。

•一起不滅者→謂：喜根。

★若從一來果，以無漏道證不還果：

★不入靜慮，四根永斷，八根滅起，得不還果。

•八根者→謂：意、捨、信等五、已知根，餘如前說。

★若入靜慮，四根永斷，七根滅起，一滅不起，一起不滅，得不還果。

•七根者→即前謂：意、信等五，及已知根。

餘，如以世俗道證不還果中說。

問：離欲界染-第九解脫道，誰即入靜慮？誰不入耶？

答：所依力強者入，所依力劣者不入。

有說：所依力劣者入，為長養所依故；所依力強者不入，不為長養所依故。

有說：欣多者入；厭多者不入。

有說：喜、樂多者入；憂、苦多者不入。

有說：以滅、道智，離欲染者入；以苦、集智，離欲染者不入。

有說：以無相、道無願，離欲染者入；以空、苦、集無願，離欲染者不入。

有說：厭欲界法，離欲染者入；厭三界法，離欲染者不入。

有說：為求靜慮，而離染者入；為求解脫，而離染者不入。

有說：利根者入；鈍根者不入。

如利根、鈍根，因力、緣力，內分力、外分力，內正思惟力、外聞正法力，應知亦爾。

幾根永斷滅、起，得阿羅漢果？

答：★若依未至證阿羅漢果，一根永斷，七根永斷滅起，一滅不起，一起不滅，得阿羅漢果。

•一根永斷者→謂：命根。

•七根永斷滅起者→七，謂：意、捨、信等五根。

永斷，謂：有漏攝。

滅，謂：無間道攝。

起，謂：解脫道攝。

又永斷，謂：世俗攝。滅，謂：向道攝。

起，謂：果道攝。

又永斷，謂：非學非無學攝。滅，謂：學攝。起，謂：無學攝。

又永斷，謂：有頂攝。滅，謂：金剛喻定俱生品攝。起，謂：盡智俱生品攝。

又永斷，謂：修所斷攝。滅，謂：已知根攝。起，謂：具知根攝。

又永斷，謂：無色界繫攝。滅，謂：修道地攝。起，謂：無學道地攝。

•一滅不起者→謂：已知根。

•一起不滅者→謂：具知根。

如依未至，依靜慮中間、第四靜慮、三無色定，亦爾。

●若依初靜慮證阿羅漢果，二根永斷，六根永斷滅、起，一根滅起，一滅不起，一起不滅，得阿羅漢果。

- 二根永斷者→謂：命、捨根。
- 六根永斷滅、起者→六，謂：意、信等五根，永斷滅、起，義如前說。
- 一根滅、起者→一謂：喜根。滅、起義，如前說。
- 一滅不起者→謂：已知根。
- 一起不滅者→謂：具知根。

如依初靜慮，依第二、第三靜慮，亦爾。

然！差別者，依第三靜慮，應說樂根起、滅。